



04. November. 2018

UKA 2018/152

Atassut

Aqqaluk Heilmann

Naalakkersuisut kingusinnerpaamik UPA2019-imut Kalaallit Nunaanni pisortatigoortumik piitsuussutsimik killiliissummik aalajangersaanissaat pillugu Inatsisartut aalajangiiffigisassaattut siunnersuut.

(Inatsisartunut ilaasortaq Sara Olsvig, Inuit Ataqatigiit)

Siullermik qujavugut Sara Olsvig IA-nnit siunnersuutaanut inuit pillugit piitsuussutsimik killiliissummik aalajangersaanissarput pillugu oqallisigisassami.

Apeqquutit arlaqarsinnaapput inoqaterput piitsutut, nalilerneqartalissappat isigniagassat, piitsuussuseq ammut killissaanik minnerpaaffiliinarnermi atorneqartussami.

Assersuutigineqarsinnaasut ilagivaat inuit peqaariaat assigiinngitsuunerat, ilai ilinniarsimasut, ilaalu ukiumut aningaasatigut isertai annikinnerusut, ilai inigissaartut ilaalu inissaqannginnamik innisimasusut.

Piitsuussersermik ammut killigititassaq qanoq naliliissava? Assersuut: Piniartoq puisit amiinik tunitsivissaqarani isertaqanngippat qaammammi kingullermi? Umiatsiaararsorluni aalisartoq ukiup naalernerani silaloruttalerpat aalisarunnaarluni aningasaataaruppat? Sulisartoq soraarsitaasimalluni imminut ikorsinnaajunnaarpat? Inuit imigassamik aanngajaarniutinilluunniit atornerluisuusut ulluinnartigullu inunnik isumaginninnikkut pilersorneqartut? Killissaq sumiissava?

Atassummiit isumaqarpugut piitsuussusermik politiker-it inoqatininnik naqissusiisalissappata tamanna eqqarsarnartoqartoq inuit ataqqinassusiannut innarliisinnaalluni.

Piitsuussutsip pinaveersimatinnissaanut pilersitsiniarneq, piitsuussusermilluunniit taallugu ammut killiliiniarsarinissaq pissappat, taava Kalaallit Nunaanni inuiaat inuuneq qanoq ingerlatileraagassuk kiisalu inuit ukiumut qaammammulluunniit aningaasatigut isertittagai tamakkua tunngavigalugit pisoqassaappat inatsisiliortariaqassaagut siullertut.

Malitsigisaanillu inunnik isumaginninnnerup iluani ikorsiisarneq pillugu inatsit aamma naleqqussarneqartariaqassalluni kiisalu aningaasaliissutaasartut annertuseriaateqarsinnaanissaat pillugu aningaasatigut ikorsiisarnermi atugassat ilassutigineqartussat pillugit iliuuseqartariaqassalluta.



Siunnersuutigineqartoq piitsuussuseq ammut killissalerneqarnissaq toqqaannartumik itigartiningilarput, taamaattorli allatut ilusilerlugu inunnik ikiuniarsinnaanerput pitsangorsarsinnaanera soqutigneruvarput.

Assersuutigisinnavaarput inunnik isumaginninnikkut ikorsiisarnerup annikillisarneqarnissaq, tassa inuit imminut ikorsiinnaasusaannik periarfissanillu annertusaanikkut iliuuseqartariaqarluta.

Periarfissat annertusarneqaqqissinnaapput kommune-t peqatigalugit inuup sulisinnaassutsimikkut angusinnaasai aallaavigalugit suliffissaqartitsiniarnikkut immikkut aningaasaliisinnaanermi.

Nunaqarfinni illoqarfinnilu suliffissaaleqiffiusuni immikkut aaqqissuussinerni soorlu mand-tiiminik taaneqartartuni iliuuseqarnerni.

Atassummiit ilanngullugu oqaatigerusupparput inuk timikkut tarnikkullu peqqissoq suliffissaaleqilluni suliffissaminik tunineqaraluarluni suliffimmik innersuussaasumik tiguserusungani sulerusunngippat, tamanna inuup nammineq akisussaaffigissammagu.

Inuk sulerusungani piumanngitsoq pinngitsaalillugu sulitinneqarsinnaanngilaq, taamaakkaluartoq pisussaaffigivarput inuup soqutigisaanut ikiorniassallutigu inuunerata imminut ikiorluni aningaasarsioqqilersinnaanissaanut.

Taamaattumik tamakkua eqqumaffigalutigit aqqutissiuussisinnaasariaqarpugut soqutiginarsaajuarlatalu kiisalu atugassarititaasuni pitsangorsaajuanikkut.

Siunnersummi ersarissumik allaqqasoqanngilaq piitsuussutip ammut killissaata nassuiarneqarnera, inuk pisattanik piniutinik nerisassanilluunniit qanoq annertutigisunik soqanngikkuni qaqugukkut piitsutut naqissuserneqassanersoq...

Inoqartarmammi ukiumut qaammammulluunniit aningaasat isertittagaat annikiginarsinnaagaluartut kisianni inuussutissaqarnikkut naammattorsuarnik imminut pilorsorsinnaasarmata inuit ilai.

Atassummiit isumaqanngilagut inuit ilinniarsimalluartut aningaasarsiai uuttuitigineqassasut inunnut ilinniagaqarsimanatik sulisartuuusut akissarsiaannut, akissarsiallu nikigassutai tunngavigalugit naligiinnginnermik nipiolorluni naligiissarniarsarineqassappata tulluartuutinngilarput.

Inuit nammineq qinertarmassuk ilinniassanerlutik ilinniagaqassannginnerlutiluunniit.

Taamaattumik inuit isertitakinnerusut pillugit ilinniarsimasut pilliutigineqassanngillat aningaasatigulluunniit aallerfigineqanngisaannassapput, ilinniarsimasut pisuussutiginngimmassuk inuit ilinniagaqarsimanatik inuusunut.

Siunnersuut itingartiningilarput, kisianni eqqartoqqinnejartussanngorlugu ataatsimiititaliamut innersuupparput.